

112 年全國語文競賽原住民族語朗讀 【賽夏語】 高中學生組 編號 1 號

ma:ong

ray mama:ongan hito', ma:ong pasa'se'el ray minrawko'an ki
pinatiyayan, 'ima sem'el laha:aw ray bangol 'i:zo', mama:ongan ka
kin'ibabaw potngor ray **noka** mae'iyah a kiri:, So: homoroko' sowiti',
mae'iyah nak 'ima hoSa:il 'okay kita' 'ani ila. So: ma:ong temne'
ila 'isa:a' mowa:i' tima:ong, ray 'ima homawan 'oka' ka mae'iyah mowa:i'
ila hini.

hayza' 'ima baba:aw rowaSek 'aeae' halpaw, rengreng So papi
sowiti' nanaw ka howaw ma' ngangaroehngaroeh ila,
ray 'aeae' 'ima 'iyaSamSem, minkoringan minbalae' ila, mowa:i' ray 'ima
SipSipa'an sowiti' minrawko'an, ray 'ima so'so'i'an mama:ongan
makSa' 'okay Sahoero: ani ila ka mae'iyah. ririm'aenan rima'
komobae:oeh ka 'aeae' tatini' mae'iyah, to:o' hila:an to:o' kin hae:wan
mam komi:im, ma:ong winaSak 'ino'a:aw ila kinmowahil, naka bato' 'ima
Sae:boe' ray wasal 'okay bazae' ani sowiti'. rima' 'inkahoelan somingozaw,
ma' 'ima' rima' kansiya 'aeael taew'an komi:im, minoSa' 'oyaeh
kala 'aeh'aeael ma' Sa' 'okay kita', rima' patilhael ka kinSat ma' 'okay
tihoero: ani. mowa:i' Sopat 'ilaS kin honaehnge:, 'aeae' 'ima papongawan

tatini' pa'iSpi' kamamannra:an nisiya, ray kaSpi' Sa', " So'o 'iyakakita' ka
minkoringan niSo', So'o Sa'ila' ray ka tiniShila:an 'ataS langi:,
hayza' 'aeae' 'ima tatini' kaehoy bana:, mari' ka panga' pa:pahikoren, ka
bana: pahikor toetoeh ray **mama:ongan** 'i:zo', isa:a' 'oe'oe: So monto:ol
niSo' minkoringan a raro:o', 'isa:a' siya 'am kas'oehaez ila. "

kamanra:an tani kaSpi' rima' mari' ka kaehoy bana: a panga', nisiya
pahikor Sitoetoeh ray mama:ongan 'i:zo', kita'en 'inay bongol 'i:zo' 'aeae'
ra:an nanaw tinete: mowa:i' kansiya **ray** 'iniriri'an, siya mam ma'az'azem
Sa' 'ampowa' nakhini. 'okik ra:ami', 'inay mama:ongan 'i:zo'
kas'oehaez 'aeae' 'ima kowakowaSan mintatini'an, hiza' Siba:i' tani
pahikor Sanbaytiw ka 'insiya'a babaki', kamanra:an noka hinSoS
kitnga'nga' ma' malbel ila, 'okik honaehnge: masay ila.

homawan ila, 'asang mae'iyah komoSa' mama:ongan mina 'ima
hayza' ka kino'azem, 'izi' pa'aew'aewhay ma' 'izi' noka kaehoy toetoeh
la:aw 'i:zo', 'aewhay pakbi'i: 'ima honay 'i:zo' ka mintatini'an,
kinoSa' 'aeae' halapaw ma'oe'oe' 'izi' a tomal 'oSa' ray mama:ongan
langi:, hini mina noka tatini' pina'alowa'an.

112 年全國語文競賽原住民族語朗讀 【賽夏語】 高中學生組 編號 1 號

山蕨

大坪聚落裡山蕨長遍田野，山蕨叢高度約到人的腰部，稍微半蹲就看不見人。長嫩芽時節有人會來採集，平時鮮有人跡。

有對新婚夫妻常為小事吵假，有天傍晚，妻子哭著跑到山蕨裡，瞬間不見蹤影。家人找了三天三夜，仍無聲無息。也曾經到娘家詢問，到她兄弟姊妹家裡找、還到親戚家裡都說沒看見，報警也找不到。

事過四個月，一名白髮老翁託夢給丈夫，他說：「想見令夫人就到懸崖邊，那裡有棵古榆樹，取其枝桠為拐杖，戳入山蕨裡喚夫人名字三聲就會出現。」

丈夫依夢境取枝桠為杖，將木杖戳入山蕨裡，忽然冒出一條色彩斑斕的百步蛇，沿著拐杖咬了一口拇指頭，男人因而身亡。

事後，族人認為山蕨有靈氣，不可隨意破壞，以免觸怒掩藏其間的百步蛇。老人交代，夫妻吵架也不能走到山蕨叢旁。